

Қува тумамни сектор раҳбарлари ва ҳудудларга бириктирилган ҳоким ёрдамчилари иштирокида “Сайёр қабул” ўтказилди.

Ўзбекистон Республикаси Президентининг 2021 йил 3 декабр кунги “Маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш бўйича давлат сиёсатининг устувор йўналишлари тўғрисида”ги ПФ-29-сонли Фармонига асосан 2022 йил 1 январдан бошлаб ҳар бир маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман ҳокимининг ёрдамчиси лавозими таъсис этилади.

Ҳоким ёрдамчилари маҳалладаги ижтимоий-иктисодий ҳолатни хонадонбай ўрганиш, жумладан, аҳолининг бандлик даражасини, оиласарнинг даромад манбаларини, томорқа ерларидан фойдаланиш ҳолатини ҳамда даромадли меҳнаттага бўлган интилиши ва эҳтиёжларини таҳлил қилиш, маҳаллада тадбиркорликни ривожлантиришнинг ички имкониятлари, тадбиркорлик бўйича ихтисослашув ва меҳнат ресурсларини инобатга олган ҳолда, уни ривожлантиришга туртки берадиган омиллар ва йўналишларни белгилаш, уларни ишга солиш орқали маҳалланинг иктисодий ривожланишини таъминлаш каби кўплаб вазифалар билан шуғулланиб келмоқдалар.

Худудларда ўтказилган ўрганишлар натижасида аҳоли томонидан кўтарилилган муаммоларни тегишли масъуллар иштирокида ҳал этиш, мурожаатларга ижобий ечим топиш мақсадида сектор раҳбарлари ва ҳоким ёрдамчилари иштирокида “Сайёр қабул” ўтказилди.

Мазкур қабулда Ўзбекистон Республикаси Президентининг Қува туманидаги Халқ қабулхонаси, жиноят ишлари бўйича туман суди раиси, хуқуқ тартибод идоралари раҳбарлари ҳамда тумандаги барча ташкилот ва корхона раҳбарлари иштирок этидилар.

Ўтказилган қабул доирасида бўш иш ўринлари ярмаркаси, тумндаги таъминотчи корхоналар томонидан аҳолига имтиёзли кредитлар асосида етказиб бериладиган маҳсулотлар кўргазмалари ўтказилди.

“Сайёр қабул” давомида тумандаги 320 нафардан ортиқ фуқаролар ўзларини қийнаб келаётган масалалар юзасидан сектор раҳбарларига мурожаат қилдилар. Мурожаатларнинг қарийб 80 фоизи тегишли масъулларни жалб этган ҳолда жойида бартараф этилиб, ҳал этилиши муддат талаб қилган мурожаатларни белгиланган тартибда, қисқа муддатларда ижобий ҳал этиш юзасидан масъулларга тегишли топшириқлар берилди.

2022-02-25 14:35:21